

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Remberto archiepiscopo Bremensi.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

omnibus suis pulchre & diuinè disposuit: glorificans & confitens in omnibus patrem & filium & spiritum sanctum, & misericordem laudibusq; omnibus celebrandam Dei parentem & matrem Domini nostri Iesu Christi: Cui gloria & potentia nunc & semper & in secula seculorum, Amen.

Ego autem Eutychianus humilis & peccator, qui fui natus in ædibus huius beatissimi Theophili, & deinde Clericus huius catholice ecclesie, cùm secutus meum dominum ei inservijssem in afflictione, quæ vidi oculis meis & auribus audiui à beata ci- us lingua, securè & certò scripti, quæ ei contigerant, & exposui fidelibus amicis & pijs viris: Ad gloriam Dei omnipotentis & Domini nostri Iesu Christi, qui glorificatur in sanctis suis.

VITA S. REMBERTI, SECUNDI ARCHIEPI-
SCOPI BREMENSIS, EX MANVSCRIPTO CODICE
descripta, sed stylo mutato per F. Laurentium Surium: nec dubium, quin
grauis & S. Remberto contemporaneus huius vita & scriptor
fuerit, tametsi eius nomen nescitur.

V M Ludouicus Pius Imperio potiretur, vt erga Deum, 4. FEBRVAR.
sua sublimitatis & dignitatis authorem, se gratum decla- vel 11. Iu.
raret, in eam curam deuotus incubuit, vt ecclesia Dei, in niij.
ditionibus eius constituta, congruis incrementis profice- Ludouici
rent, itemq; seruorum & ancillarum Christi status sua ca- Pij studium
pesseret honoris augmenta. His eius assiduis meditationi- erga ecclesiæ
bus, Deo inspirante, accepit etiam recordatio rerum, à pa- as augēdas.
tre eius Carolo Magno gestarum, quemadmodum ille Sa-
xonum gentem, ad id vñq; temporis incredulam, ad fidem
Christi conuertisset: constitutis etiam per illam prouinci-
am episcopis, qui sufficerent, eorumq; sedibus prudenter
distributis, ad extremam plagam versus Aquilonem locum sibi reseruāset, vbi Archie-
piscopi sedes constitueretur, vndē prædicatio verbi Dci in finitos populos propaga-
retur, putà Suedos, Noruegos, Sclauos, Islandos, Gronlandos, aliasque omnes ad Bore-
am & Solis ortum sitas gentes, quæ adhuc stultissimis ethnicis erroribus implicate
tenebantur. Verū in hunc finem constituta & exædificata ecclesia Hamburgensi in
Sclauorum confinio, extremis videlicet Saxonum locis apud Nordalbingos, eadem ec- Ecclesia
clesia iussu Caroli Imperatoris presbyteris gubernanda est tradita, donèc opportuno
tempore, attributis priùs illi loco sufficientibus episcopo prouentibus, archiepico- Hambur-
pum illic curaret ordinari. At priùs illo ex hac luce subtracto, quām huius voti sui com- gensis.
pos fieret, p̄fissimus filius eius Ludouicus cum suis hanc eius voluntatem pertractans,
Anscharium summæ sanctitatis virum, vt pater Carolus decreuerat, priuilegij archie- Anschari-
piscopal & ordine & nomine sublimandum, & illi nouellæ ecclesiæ, rudibusq; in fide us, I. Ham-
populis rectorem præficiendum, & ḡtibus, vt dictum est, à fide alienis verbis diuini pra- burgen- ars
conem curauit ordinandum. Cuius quidem Anscharij qualis à puer in Dei timore chiepisco-
cōuersatio, vel cum ætatis processu quæ virtutum incrementa, cuiusmodi etiam signis pus.
pontificatus & prædicatio eius præmonstrata, tum quoquè vt sedis Apostolicæ appro-
batione & priuilegijs omne eius ministerium communatum, deniquè quo studio & pro-
fectu in lucrandis Deo animabus versatus sit, quas vel in fide confirmare, vel de genti-
litate ad Christianismum quotidie traducere nitebatur: si quis exactius nosse voleret, le-
gatlibellum de vita eius, eoquæ perleto, quanta fuerit sanctitatis ipse secum expendat.
Nos in præsens de sanctitatis eius imitatore, tum quoquè dignitatis successore Rem-
berto scripturi, vt primū ad illius notitiam perueniterit, ac deinde ab illo adscitus sit,
explicare aggredimur.

Cum Hamburgensis ecclesiæ, recens, vt diximus, instituta termini angusti essent,
officioque tam amplio, eius antistiti demandato, sumptus indè collecti non sufficerent,
ipsique reditū prouentus frequenti hostium irruptione diriperentur: nē hac occasio-
ne vir Dei à prædicationis officio, quod in eius gestis legatio ad gentes vocari solet,

Cccc
retar-

Turholt, eff in Gallijs, nomine Turholt, eidem legationi attribuit, vt perpetuis temporibus illi in monasteriū seruiret: vb̄ cū tempore quodam sanctus Episcopus Ansharius demoraretur, vidit pueros quosdam iocantes, inanibus cursibus ad ecclesiam festinare: at inter eos quendam, omnium serè minimum, grauiter incidentem, pueriles leuitates sollicitè deuitan-

Remberti pueri gratias. tem, orationem cum timore & reuerentia peragente, signo crucis frontem munientem, & per omnia tanquam maturæ ætatis hominem, egregiam præ se continentiam ferentem. Animaduertens ergo vir Dei sacram religiosi pueri infantiam, diuini iam cultus & famulatus amore flagrare, accitis ad se parentibus eius, didicit Rembertum

S. Anshari rius cum si paternaq; solicitudine cum commendans, coepit studiosè illum crudire: ac deinde post dies non multos discedens, pastorale officium suumque ad gentes legationem strenue executus est. At puer Rembertus dilectus Deo, magis magisque in grauitate proficit, perdiscendis que liberalibus disciplinis ardenter incubuit: orationibus quoquæ, ceterisque bonarum rerum studijs intentus, intra paucos annos omni maturitate & scientia virtutum emicuit: atque iam tum, iuxta Psalmi vocem, concaluit cor eius intra ipsum, & in meditatione eius exarsit ignis: cumque perscrutaretur, quid ipsi in hac vita degenti potissimum expediret, occurrit illi quod à quodam sapiente dictum est, primam philosophiæ definitionem, mortis esse meditationem: idq; toto pectore amplectens, toto vita sua spatio eò connitebatur, vt hanc sapientiæ summam apprehenderet, nè aduentante morte mero posset affici, si eam non esset antè præmeditatus: sed

Psalm. 38. **Meditatio** mortis. **Eccle. 7.** **Aq. 8.10.11.** potius ex impletione scripturæ dicentis, Memorare nouissima tua, & in æternum non peccabis: quantum humana fert conditio, de peccatorum vel cuitatione, vel remissione securus, gaudio perfundi mereretur.

Porro venerandus præsul Ansharius, qui cum diuino mancipârat cultui, sicut in vita eius gestis habetur, quæ illi euentura, vel ab illo gerenda essent, penè omnia vel per somnum, vel per intimam in mente reuelationem prænoscere solitus erat. Eam autem intimam in mente reuelationem scriptores vitæ eius quippiam eiusmodi esse arbitrantur, quale in actibus Apostolorum crebro habetur: Dixit autem spiritus illi vel illi discipulo. Non igitur debet incredibile videri, virum sanctum non casu aut fortuito, sed diuinæ admonitionis instiitu, quem occultiori sensu, ut potè vir spiritualis, in anima percipere solebat, felicem hunc, de quo loquimur, puerum tanto paternæ benevolentiae affectu diuinis adhibuisse ministerijs: immò potius si attendatur ratio conuersationis, & quo deinceps pacto semper ab illo tractatus & habitus est, verisimile apparebit, perspicue à Deo id illi fuisse reuelatum, quod eum in episcopatu esset habiturus successorem. Nam cùm primò discendis artibus & disciplinis scholasticis traditus, ac deinde à ludimagristris dimissus, atque è schola egressus esset, mox cum sanctus episcopus indiuiduum sua legationis comitem habere voluit: venientemque è supradicto monasteriolo, cui nutriendum commendauerat, cum gudio suscepit, omniumq; factorum suorum fecit consicum, quibus ille tum occultere, tum palam cum omni pictate Deo inferuebat.

Cumque die quodam iuxta morem simul orationi incumbenter, eaque finita è templo essent exituri, quasi secretioris gratiæ munus in discipulo pontifex agnoscens, eum his compellat verbis: Oportet te, fili Remberte, semper illi gratias agere, qui de turbulentis seculi fluctibus ad portum quietis te vocavit, cui cùm te circa dubium videam animum applicare, amore tuī teneri me fateor, nec dubites, quin hic amor, quod ad me attinet, ad finem usque vita erga te sit perseveraturus. Cui ille respondit: Indignus sum domine tanta erga me benevolentia tua: at tamen quia tam te mihi benignum & humanum exhibes, oro vt meritis & precibus tuis apud Dominum mihi obtineas, vt in futura vita præmiorum tuorum merear esse particeps. Tunc sanctus episcopus, cuius mentem ex diuina illustratione sèpè futura præuidisse diximus, his quidem sancti Remberti verbis nullum responsum reddidit: post triduum vero cùm iam anxiam nimis cum teneret solicitude, quamobrem huic petitioni sua nihil respondisset episcopus, ita eū consolatus est: Iam obtinua à Domino, vt in futuro seculo, sicut perijisti, ab inuicem non separaremur: vb̄ ita æternæ beatitudinis erimus participes, si nostris ad eam viribus posse pertingere non præsumamus: quod est crimen superbia, per quam ceciderunt

Individuus
fit Anshari comes.

derunt, qui operantur iniquitatem: nec rursùm desidia torpentes obliuiscamur illi-
us, quod in Psalmis habetur. In Deo faciemus virtutem: sed quotidiè demus operam,
vt quemadmodum sanctus Gregorius admonet, bonum opus habeatur à nobis in vo-
luntate, & ità consequenter confidamus, quòd, vt idem sanctus pontifex ait, ex diuino
adiutorio erit etiam in perfectione. Quod si quempiam mouet, cur triduo distulerit
sanctus episcopus huic quæstioni satisfacere, meminerit nos dixisse quidem, mentem
eius diuina gratia sèpè fuisse illuminatam ad prænoscenda futura, interim tamen hac de
re in eius vita ita scriptum haberit: Ad omnia ergò, quæ fortè præcipua definire debe-
bat, spatiū cogitandi habere volebat, nèc quicquam temerè disponebat, antequām
gratia Dei illustratus in mente sua ipse sentiret, quid melius esset: sicque superna visita-
tione certificatus in mente, sine cunctatione quæ agenda erant, disponebat. Hæc ex
illius vita opportunè nos inseruisse letor intelligat, vt hoc testimonio doceremus, ni-
hil eum ad preces sanctissimi discipuli sui Remberti respondisse, nisi quod tridui spatio
menti eius spiritus sanctus infudit iuxta sententiam, quam iam antè ex Apostolorum
Actibus protulimus.

Accedit verò ad præsagium virtutum beati viri, visio quadam procuratori antisti-
tis de illo oblata ea nocte, qua primùm venit Hamburgum, cùm ille primos adolescen-
tiae annos ageret. Videbatur enim procuratori, vidisse se Rembertum sedentem in fa-
stigio oratorij, atque inum ecclesiæ signum in celo apparuisse, ab eoq; signo ligamen
lineum, vt assulet, instar funis demissum usque ad illum, dependisse, per quod ille signum
ipsum hilariter traxisse, eiusque sono suauiter oblectatus esse videbatur: cui nimirūm
sonnio congruam ex ipsis scripturis diuinis interpretationem inuenimus. Præcipi-
tur Moysi à Domino, vt inter alia sacerdotum mystica indumenta, hæc etiam fiant: Exod. 28.
Deorsum ad pedes, inquit, ciudem tunica per circumitum quasi mala Punica facies
ex hyacintho, & purpura, & coco bis tinctorio, & byssò retorta, mixtis in medio tintin-
nabulis. Cur verò hæc tintinnabula adiungi iussa sunt, paulò infra subiungitur his ver-
bis. Vt audiatur sonitus, quando ingreditur & egreditur pontifex sanctuarium in con-
spectu Domini, & non moriatur. Sacerdos ingrediens vel egrediens moritur, si de eo
sonitus non audiatur: quia iram contra se occulti iudicis exigit, si sine sonitu prædi-
cationis incedit. Quia igitur futurum erat, vt summo Ecclesiæ gradu consenso, vir
Domini spiritualibus ornamentis eniteret, vt etiam prædicationis officium insigniter cap. 4.
executus probaretur, rectè in fastigio templi, quod apicem pontificalem significat,
cum doctrinæ suauissimo & cælitùs concitato sonitu ad conuocandam ad Dei seruiti-
um & cultum sacram Christi plebem, sedisse visus est. Hoc nanque in hac visione per-
sonans eius attractu signum cælestè significare potest, quod in pontificis ueste tintin-
nabula designant. Vt verò etiam cætera, quæ de scripturis diuinis proposuimus, sacer-
dotalis habitus ornamenta spiritualiter in seipso semper exhibuerit, ad profectum & imi-
tationem corum, qui hac lecturi sunt vel audituri, proferemus. Mális quippe Punicis Mala Punj.
verbatur, in quibus multa interiùs grana vno exteriùs cortice teguntur: quia multi- ca.
uariam virtutum operationem vno charitatis munimine vndique teatam habebat. Hæc
autem mala Punica ex purpura, & hyacintho, & coco bis tinctorio, & byssò retorta facta
erant: quæ cuncta illi aptissimè conueniunt. Nam toto desiderio semper inquirebat
caelestia, que per hyacinthum designabantur: & pro Christi nomine etiam martyrium Hyacinthus
suscipere paratus fuit, quod nobis purpura innuit: Dei quoquè & proximi flagrabat thus.
amore, quod per coccum bis tinctorum exprimitur: & sicut byssus è terra orta, longo ex. Purpura.
ereditio siccandi, tundendi, purgandi, coquendi & nendi, gramineum amittit, & candi- Coccus bis
dum induit colorem: ita ipse cum magno continentia labore natuum veluti exudans
humorem, Deo dignæ puritatis & castitatis decorem solerti & infatigabili iejunio-
rum, vigilarum, orationis, lectionis, patientiæ & humilitatis instantia adeptus est. Qui
bus omnibus tintinnabula habuit permixta: quia rarò ab ore eius aliud, quam prædicta. Titinna.
rum virtutum suauissimus sonitus audiebatur: qui itidem operum eius sublimitate au-
ditorum animis commendabatur, sicut etiam sequens opusculi huius textus manifesti-
us ostender.

Cùm adhuc esset in ministeriodecessoris sui domini Anscharij, apparuit ei Arnul-
phus presbyter iampridè defunctus, & percontanti quo in statu res eius essent in
illo seculo, dolenter respondit: Ego cùm adhuc in corpore essem, salutem animæ meæ

negligenter curabam, nec seruabam eam, quę meam decuisset personam, morum grauitatem, ocio səpē vacans, & quandoquę etiam tempore indisti iciunij carnem comedens, aliaque similiter verita in cibo & potu frequenter usurpans: ob quas culpas ha&tenūs indignus fui admitti ad conspectum Dei. Sed si tua fraternitas pane & sale & aqua contenta, à cæteris alimentis interim abstiens, quadraginta dierum iciunium pro me suscipere veller, credo per Dei misericordiam huius repulsa, quam patior, poena mei absolutum iri. Cui cūm ille se ita facturum, vt ipsi videbatur, esset pollicitus,

40. dies pa-
ne & aqua
vicitat.

expergefactus mox vt episcopum conueniendi copia oblata fuit, visionem omnem illi exposuit, acceptoque ab eo consilio, per dies quadraginta non nisi pane solo & aqua vsus est: quo tempore tam immani dolore dentium cruciabatur, vt panem illis manducare non posset. Itaque panem manibus contritum & communatum aqua immiscebatur, & pro dentium leuamento instar puluis emolliebat: in quo tamen ad abstinentiæ augmentum etiam ea decebat, quæ in simplici panis decoctione esse postulant, putauis alimenti, & saporis suauitas. Expletis autem huius abstinentiæ diebus, presbyter ille, pro cuius salute hæc agebantur, per visum apparuit cuidam foemina, diurna laboranti paralysi, cui longus quidem languor membra tenuit, sed tamen, vt de Seruulo beatus Gregorius dicit, eadem membra à bono opere non ligavit. Quotidiè enim se ad ecclesiam deportari faciens, verbum vite illuc dele etabiliter audiebat, hymnisque & laudibus Dei diu noctuque vacabat. Huic ergo, vt diximus, in visione apparetiam dictus presbyter, petijt ab ea, vt gratias ageret seruo Dei Remberto pro cibi ac potu parsimonia, eius causa tolerata, quam vsqueadè sibi profuisse aiebat, vt prius negatum ipsi Dei conspectum, & cælestis aulæ ingressum, propter eam iam permisum sibi gauderet. Porrò Rembertus, inquit idem, inter eos adscribetur, de quibus canitur, Fulgebunt iusti, & tanquam scintillæ in arundineto discurrent: & de quibus Psalmographus ait: Ibunt de virtute in virtutem. At verò eiusmodi visionibus vir Dei nunquam animo efferebatur, sed humilitatis tutissimo semper incedens itinere, ita virtutum quotidie gradus altiores scandebat, vt illam beatissimi pontificis Gregorij sententiam semper ob oculos ferre videretur, quæ ille dicit: Magnus vnusquisq; esse studeat, sed tamen aliquo modo esse se nesciat, nè, dum sibi magnitudinem arroganter tribuit, amittat.

Sap. 3.
Psalm. 83.
Homil. 7. in
Euangelia.

Quandiū ergo fuit in corpore vir Domini Anscharius, seruus Christi Rembertus præ cunctis illi familiaribus adesse solebat in omnibus, quemadmodum libellus gestorum eius, cuius aliquoties mentionem fecimus, ab ipso Remberto & alio quodam eius condiscipulo editus, testatur: in quo libello vbicunque commemoratur quidam eius fidelissimus discipulus, quod crebrò illuc lector offendet, Rembertus desig natur: sed quia, vt diximus, cum alio quodam illa S. Anscharij gesta ipse edidit, rei veritatem tacito suo nomine indicare voluit, nè de se familiaritatis illius gratiam iactanter proferre videtur. Ita nanque etiam beatus euangelista Iohannes in suo facit euangeli, personam suam quadam circunlocutione potius, quam proprij nominis expressione subindicans. Quam autem in hac familiaritate apud sanctum episcopum vir Dei Rembertus ad extremum usque constanter persecuerauerit, ex verbis iam dicti libelli satis potest intelligi, quibus obitus eiusdem episcopi ita commemoratur: Percepta Dominici corporis & sanguinis communione, sanctus Pontifex Dominum deprecabatur, vt quicunque in eum quoquo modo peccasset, diuinu hoc ei pietas remitteret. Deinde versiculos istos coepit frequentius repeteret: Secundum misericordiam tuam memento mei tu propter bonitatem tuam Domine, & Deus, propitius esto mihi peccatori, & In manus tuas Domine commendo spiritum meum. Cumq; hæc saepius repeteret, & deficiente anhelitu iam ea frequentare non posset, cuidam fratri præcepit, vt hæc vice illius frequentando canceret. sicq; oculis in cælum intentis, Domini gratiæ commendatum spiritum exhalauit. Hic ergo, quem suo loco verba orationis crebrò repeteret voluit, Rembertus fuit, cui voce deficiente sua, desiderij sui verba commendans, per eum compensare se non dubitauit, quicquid ipse iam moribundus minus posset orandopraesta re. Nam & ob vitæ eius meritum, pro se illum exaudiri creditur, & quod ille fecisset, nihil ab eo discreuit, quod à seipso factum esset: quandoquidem cor vnum & anima una vnuis spiritus & vna fides erat semper in eis.

Ioh. 13. 19. 21.
Psalm. 24.
Luc. 18.
Psalm. 30.

Denique cūm illa ægritudine, qua confectus ex hac vita migravit beatus Anscharius,

rius, quæreretur ab illo, quid consilij daret de eligendo ipsi successore, & quidam etiam eius de Remberto sententiam nōsse cuperent, respondisse fertur, non hoc sui esse ministerij definire, cùm multorum animos fortassis in episcopatu offendit, quam offensionem amouere potius deberet, quām coipso augere magis, quod tam sibi successorem nominaret, qui sua forsitan inhabilitate grauaret subditos, & indē acerbæ contra ipsum querimonie nasceretur. At tamen de Remberti meritis nōsse vos velim, inquit, quia dignior ille est sede archiepiscopi, quām ego subdiaconi functione. Hac ille sanctus episcopus ingenti humilitatis studio de se dixit, tanquam verus obseruator illius monasticae regulæ, quam ipse etiam olim perfectè excoluit, quæ sic habet: Septimus humilitatis gradus est, si non solùm omnibus inferiorem sua sē lingua pronunciat monachus, verum etiam intimo cordis credat affectu, humilians se & dicens cum Propheta: Ego autem sum vermis & non homo. Solent enim sancti viri etiam tunc, cùm fortia agunt, de se sentire viliter, sicut de seipso sanctus David, coram arca Domini saltando, regni sui potentiam despiciens, dixit: Ludam, & vilior fiam plusquam factus sum, & ero humilis in oculis meis. Quod pertinet etiam illud Apostolicum: Implete gaudium meum, vt idem sapiatis, eandem charitatem habentes, vñanimes, id ipsum sentientes: nihil per contentionem, neque per inanem gloriam, sed in humilitate superiores sibi inuicem arbitrantur. Et prius quidem, hoc est, Propheta testimonium, beatus Anscharius ita in seipso obseruare solebat, vt de se intus humilia sentiens, honorem foris non experteret, quasi dicens: Ludam, & vilior fiam: nec rursū per hoc, quod vilem se extrinsecus exhibuit, intus intumesceret, impleret potius quod sequitur, Etero humilis in oculis meis: id est: Qualem me foris despiciens exhibeo, talem me intus attendo: quo sanè contemptus sui studio etiam illud impleuit, quod ex Apostolo attulimus, vt omni contentione & vana gloria profligata, per humilitatem alios se superiores arbitrarentur. Vnde etiam, vt antea iam diximus, potioris meriti Rembertum esse affirmauit, quām esset ipse. Sed quanuis ille humilitatis causa ita de se dixerit, nostrum tamen non est, quemlibet corum alteri anteponere, sed sentire potius meritis fuisse pares, quos & viuis fidei deuotio, & eiusdem ministerij vel functionis, licet diuersis temporibus, executio commendet æquales, vel æqualiter commendet.

Quanquam autem, vt antea dictum est, sanctus pontifex ob vitandam aliorum offensionem, non libenter illis indicauit, quem putaret idoneum successorem: nē suum tamen Rembertum, omnium penè secretorum suorum consilium, hac gratia in extremis defraudaret, triduo ante obitum rem secretam illi exposuit, indicans illum post se ad pontificatus eius apicem promouendum. At illo renitente, & ad tantum ministerium nec viribus, nec meritis se idoneum proclamante, sanctus episcopus dixit, sic esse à Deo constitutum, vt ita fiat: adhibuitque congruentes adhortationes, vt suam voluntatem diuinæ ordinationi accommodaret, & cum sancto Thoma apostolo diceret: Dominus meus es tu, & ego seruus tuus: fiat voluntas tua. His auditis, beatus Rembertus desstitutus ultra reluctari, quod sanctum episcopum diuinitus hæc accepisse inteligeret: neq; etiam vel in clero vel in populo villa resedit, quem è pluribus potissimum eligeret, ambiguitas, sed eodem ipso die, quo sanctus Anscharius spiritum Domino reddidit, beatum Rembertum concorditer omnes elegerunt. Porro ita electum, ad gloriosum tunc temporis regem Ludouicum adduxerunt viri venerabiles, Theodoricus Mindensis episcopus, & Adelgarius Abbas monasterij nouæ Corbeia: suscepimusque honorificè à rege, cum pontificalis baculi commendatione, episcopatus est dominium adeptus. Porro in literis Romanè sedis pontificum, à quibus Archiepiscopi priuilegium illi sedi, quam tunc Rembertus suscepit, collatum est, etiam hoc continetur: vt quia propter nouellam eiudem sedis institutionem, & necdum conuersos ad fidem popullos, suffraganei non habentur episcopi, à quibus decedente vno, alter archiepiscopus consecratur: palatina interī prouidentia succendentium per tempora pontificum consecratio sit commissa, donec numerus suffraganeorum episcoporum, canonicè eum consecrare debentum, ex gentibus suppleatur. Cum huius ergo tenoris insinuatione, vt loquitur historiæ huius author, ordinandum eum, nempe sanctum Rembertum, rex Ludouicus misit ad Lintberatum Archiepiscopum Moguntinum, à quo iussu eius ita est consecratus, vt non sine Dei prouidentia factum videatur, vt ad eius consecrationem non vnius, sed duarum ecclesiistarum metropolitanarum conuenirent suffragani,

Testimonio
um S. Ans
charii de
Remberto,

Psalms. 21.

2. Reg. 6.

Philip. 2.

Eligitur An
scharii suc
cessor.

Ita dicitur
Saxonica
Corbiea
propter Gal
licam, quæ
est Saxonis
ce parens.

nei, putà Lintvuardus Paderburnens episcopus, Moguntini, & iam dictus Theodoricus Mindensis episcopus, Coloniensis Archiepiscopi suffraganeus. Quos ità permixtum adesse placuit, vt tam huius consecrationis actio, quam etiam domini Anscharij in eadē sede non dissimili modo facta ordinatio, argumento essent, quod huius sedis episcopi consecratio tantisper palatinæ esset commissâ prouidentiæ, donèc consecrantium numerus ex gentibus suppleatur.

Tenebatur autem sanctus Rembertus iam olim voto eiusmodi obstrictus, vt post S. Anscharij obitum mox & propositum & habitum monasticum amplesteretur. Quam obrem communicato cum pontificibus, qui ipsum consecrârunt, consilio, statim vt ordinatus fuit, ad nouæ Corbeiæ monasterium properans, illius professionis habitum ex toto suscepit: conuersationis autem illius professionem ita fecit, vt obedientiam, & conuersationem morum, & stabilitatem secundum regulam sancti Benedicti exhiberer, quatenus labores & occupationes suscepti Episcopatûs permetterent. Atque vt huius promissionis effectui veraciùs assuereret, aliquem ex fratribus monasterij sibi permitti orabat, vt quia ipsi in eo permanere non licaret, pro suâ consolatione posset cum illo assidue indè meditari, & usum quandam sibi parare iuxta regulæ moderamen, quam amplexus esset, se gerendi. Adiunctus autem est illi hoc petenti quidam insignis conuersationis vir, gradu diaconus, nomine Adelgarius, qui illius monasterij Abbatis, cuius suprà meminimus, germanus frater erat, atque eiusdem cum eo no minis. Atque hic vir venerabilis, qui & conuersationis eius sedulus imitator, & in dignitate successor s. Remberti.

cuius vitam scribimus, ex occasione curæ pastoralis nullam monasticæ perfectionis iacturam fecerit: immò verò ex illis ipsis, qui in monasterijs degunt, nullus bonorum operum instrumenta, quæ illorum regula commemorat, æquè ac ipse excoluerit: cuius sanè res gestæ vix à nobis explicari queant: porrò quotidianam eius cum Deo conuersationem, & animum cælo semper intentum, nostræ scientiæ tenuitas nedum verbis exponere, sed nec expéndere satis potest. Graue certè existimabat & permolestum, tempus illum Dei opere vacuum transfigere: itaque orationi lectio, & lectioni semper oratio successit: & si quid accidisset, quod illum ab oratione impeditre videretur, semper tamen quæ iusta sunt agens, sine intermissione orâsc censendus est, vt docet beatus Augustinus. Qui enim in diuino versatur officio, eius dicta facta que omnia pro oratione computantur. Vigiliarum usum moderatè agebat: abstinentie modum illum tenuit, vt quotidiana illi essent ieiunia, & refectio satietatem fugiens: qua in re id obseruabat, vt iuxta beati Hieronymi sententiam, ita corporis frangeret appetitum, vt ad lectiones, & psalmodiam, & altaris pontificatusque ministeria vires non deficerent.

Nihil enim prodest, vt ait idem Hieronymus, biduo triduoque transmissio vacuum portare ventrem, si pariter obruatur, si compensetur saturitate ieiunium. Illicè mens repleta torpescit, & irrigata humus, spinas libidinum germinat. Quod vir Dei, vt diximus, in se cauere volens, eciusmodi ieiunij moderamentum tenuit, quale Dominus in Euangeliō, Iudeos arguens, quod nec Iohannem ieiunantem, nec ipsum manducantem & bibentem suscipient, subindicat, dicens: Et iustificata est sapientia à filiis suis: ostendens filios sapientiæ intelligere, nec in abstinentia, nec in manducando esse iustitiam, sed in aquanimitate tolerandi inopiam: & in temperantia per abundantiam non se corrumperi, atque opportunè sumendi vel non sumendi ca, quorum non usus, sed concupiscentia repræhendenda est.

Quicquid etiam ad usus & sustentationes pauperum beatæ memoriae decessore eius instituerat, nulla id ex parte ipse abrogavit, sed curam & studium omne adhibuit, vt que cunque in eos usus deputata essent, non modò nullum ipsius temporibus caperent detrimentum, sed eius opera nonnihil potius quotidie acciperent incrementi. Erat enim pro indigentium leuamine & solatio domus hospitalis in eius dioecesi constituta, tam abunde rebus necessarijs atque subsidijs instruta, vt nullibi vel copiosius, vel prudentius id curatum sciamus. At verò etiam extra dioecesim suam vbi cunque esset, semper habebat à se quosdam institutos, qui ergandos pauperibus nummos in sacculis circumferrent: & ipse etiam in hunc usum ad zonam suam appensum habebat marsupium, vt si absente interdum suo eleemosynæ dispensatore, inops aliquis occurreret, ad manum haberet pecuniam, quam illi largiretur. Solicitus enim hoc curare solebat,

*Fit monas-
chus Cor-
beensis.*

*Adelgarius
succesor s.
Remberti.*

*Hierony-
Epistola 22.
ad Eusto-
chium.*

Ibidem.

*Matth. 11.
Hæc sunt
verba Au-
gustini, que
tionum
Euangeli-
carum lib.
2, cap. II.*

bat, nè quis eiusmodi absque leuamento ab ipso discederet: & ad idem studium per-
petua adhortatione suos inuitabat, ita dicens: Non debemus cunctanter opitulari ege- Benignitas
nis omnibus, quando quis eorum sit Christus, vel quādo ille veniat ad nos, ignoramus.
Simul autem, iuxta beati Gregorij admonitionem, etiam elemosynam verbi incessan-
ter faciens, doctrinā salutaris studio iugiter instabat, non immemor, dictum esse ab eo-
dem sanctissimo pontifice, plus esse, verbi pabulo iacturam in perpetuum mentem re-
ficere, quād ventrē moriturā carnis terreno pane satiare. Hac de causa libellum quen- Homilia 6.
dam, ex dictis huius sanctissimi Gregorij, lectori utilem confecit, & sua manu descri- in Euge-
psit: atque etiam epistolas aliquot plenas edificationis ad diuersos compo- suit: è quibus
una est ad quandam Dei famulam, in monasterio degentem, ceterasq; sorores ibidēm
Domino seruentes. Hęc autem Christi ancilla, de qua loquimur, neptis erat venerabi-
lis episcopi Lintuardi, cuius suprà mentionem fecimus: qui se sancto viro omni deuoti-
onis affectu deuinxit, & non modò ipse eius sanctitatis amator fuit, sed etiam omnes ad
se quoquo modo pertinentes, illi commendare studuit: hanc præstrem, de qua agimus,
ab infantia Deo oblatam, & in virginitate permanentem neptem suam, quā etiam pro-
pria sua deuotione id promeruit, vt vnicā dilectionis suā filiā vir sanctus eam appellare
soleret. Quā licet nomen suum vitanda iactantia causa palam nolit edicere, at nos
tamen eam epistolam ad sacrarum virginū edificationem, tatio cius nomine, cui spe-
cialiter scripta est, hīc inseremus, ita se habentem:

Charissimæ filiæ N. ceterisque virginibus & sponsis Christi, Rembertus gregis Dei Epistola 8.
vili seruulus, in Domino salutem. Frater Adelgarius, nupèr à vobis rediens, dixit mihi Remberti
grauite vos ferre, quòd paruitatis meæ literas raro suscipiatis. Quod mihi emendare ad sacras
cupienti, quod scribere debeam, nihil conuenientius occurrit, quād vt vos de vestræ virgines, in
sanctitatis commoneam proposito. Si ergò ad sublimissimā gloriam peruenire vultis, qua nihil de
omni virtute incorruptionem corporis ac spiritus excolere debetis. Interior enim fo-
tu ac pabulo puritatis, subministrari necesse est etiam exterioris hominis castitatem,
camque iugiter ad perseverantiam perpetuae incorruptionis animari. Illæ nanque sunt Veræ vita
veræ atque incorruptæ virgines Christi, non quæ metuunt, sed quibus non libert forni-
gines. cari. Quod donum si per Dei gratiam adeptas vos senseritis, quanto magnæ estis, vt san-
cta monet scripture, humiliate vos in omnibus, & coram Deo inuenietis gratiam. Ea Eccle. 3.
enim via peruenire debetis ad Christum Dominum & sponsum vestrum, quia ipse dixit:
Discite à me, quia mitis sum & humiliis corde. Curandum itaque est, vt omni custodia Matt. 11.
mens seruetur à superbia rumore: non enim ante oculos Dei vacuè transvolant cogi-
tationes vestrae. Intùs ergò videt Deus, quod mentem eleuat: & idcirco foris permittit
innalescere, quod deponat. Dicit quippe per Osee contra Israélitas Deus: Spiritus for- Osee 5:
nicationis in medio eorum, & Dominum non cognoverunt. Qui vt ostenderet, sicut di- Lib. 26. in
cit beatus Gregorius, quòd causa libidinis ex culpa prorumpat elationis, mox subdi- Job, cap. 12.
dit, dicens: Et respondebit arrogantia Israël in faciem eius: ac si diceret: Culpa, quā per
elationem mentis in occulto latuit, per carnis luxuriam in aperto respondebit. Pro-
inde per humilitatis custodiā seruanda est munditia castitatis. Si enim piè spiritus sub
Deo premitur, caro illicitè super spiritum non levatur. Habet quippe spiritus commis-
sum sibi dominium carnis, si tamen sub Deo recognoscet iura legitima seruitus.
Nam si authorem suum superbiendo contemnit, iure & à subiecta carne prælium susci-
pit. Hinc est enim, quòd longa continentia repente soluitur: hinc, quòd plerunque & Ibi dēm
vsque ad senium virginitas seruata vitiatur. Quia enim negligitur humilitas cordis, re- cap. 13.
stus iudex despicit etiam integritatem corporis: & quandoque per apertum malum re-
probos annunciat, quos dum reprobos in occulto tolerabat. Nam qui diu seruatum
bonum subito perdidit, apud semetipsum intùs aliud malum tenuit, ex quo aliud sub-
ito erupit, per quod ab omnipotente Deo etiam tunc alienus extitit, quando se ei per
munditiam corporis inhærente monstrauit. Hęc ergò, filiæ, non ideo scribo, quòd in
vobis quicquam de qualitate superbia vel vanæ gloria cognouerim: sed quia vos opto
in illarum confortio esse, de quibus legitur, quoniam sequuntur agnum, quo cunque Apoc. 14.
iērit. Vbi multos cecidisse doleo, vos caute ambulare desidero, optoque vt dicat vo-
bis Dominus & sponsus vester: Tota pulchra es amica mea, & macula non est in te. Ita- Cant. 4.
que sequimini agnum in præceptis suis, vt ipso auxiliante illum sequi valeatis in ater-
na vita, cantando canticum, quod nemo potest dicere, nisi chorus virgineus: quod per-

**Lib. De san pulchrè explicauit beatus Augustinus, virgines adhortando: Pergite, inquit, sancti Dei
cta Virginis pueri & pueræ, mares & foeminae, cœlibes & innuptæ: pergit per seueranter in finem.
tit. cap. 27. Laudate Dominum dulcius, quem cogitatis uberiori: sperate felicius, cui seruitis in-
stantius: amate ardentiū, cui placet attentius: lumbis accinctis & lucernis ardētibus
expectate Dominum, quando veniat à nuptijs. Vos adfaretis ad agni nuptias canticum
nouum, quod cantabitis in citharis vestris: utique tale, quale nemo potest dicere, nisi
vos. Sic enim vidit vos in Apocalypsi quidam præ ceteris dilectus agno, qui discubere
super pectus Domini solitus erat. Ipse vos vidit duodecim duodenam illius sanctorum
citharoedorum, illibata virginitatis in corpore, inuolata veritatis in corde. Sequimini
agnum, quia & agni caro utique virgo. Sequimini cum in virginitate cordis & carnis,
Ioan. 13. **Apoc. 14.** **2. Pet. 2.** quocunquè ierit. Quidenim est sequi, nisi imitari de quo beatus Petrus, Christus, in-
quit, pro vobis passus est, vobis reliquens exemplum, ut sequamini vestigia eius.**

Hanc sancti Remberti epistolam idcirco hoc adscriptimus, ut possit videre lector,
1. Tim. 6. quantum ex Apostolica admonitione studium illi fuerit eius, quæ secundum pietatem
est doctrinæ, & quæ in ipsa doctrina potens fuerit etiam alios exhortari. Præterea au-
tem legationis quoquæ sue officium, quod ad prædicandum gentibus verbum Dei, pri-
mò quidem ab eius decessore suscepimus, & deinde quodam successionis iure quasi he-
reditarium illi obuenit, impigrè executus est, ipse sancte per se, quoties per alias occupa-
tiones licuit, eidem legationi insistens: semper autem quodam illi operi destinatos ha-
bens presbyteros, per quos & verbum Dei gentiles audirent, & solatium Christiani ca-
ptivi acciperent: quicque ecclesiæ longè à sua sedis ecclesia remotas, quodque graui-
mum erat, non sine magis pelagi discriminibus adeundas, inuiseret. Que tamen discri-
mina ipse frequenter & abundantius subibat, ita ut sèpè, quemadmodum de se quo-
quæ Apostolus dicit, naufragium fecerit: non raro in id periculi coniectus sit, ut prope-
modum cum eodem dicere potuerit, Nocte & die in profundo maris fui. Sed proscir-
aderat ei spiritus sanctus, qui in exterioris hominis corruptione, interiori renouaret
de die in diem, & spe futuræ beatitudinis omnia presentis vitae aspera deliniret, & gra-
uia releuaret. Consolabatur enim cōtinua meditatione sermonis Apostolici, quia non
sunt condignæ passiones huius temporis ad futuram gloriam, quæ reuelabitur in nobis.
2. Cor. 11. Atque ita quæcumque fuerunt dura laboranti, mitescere solebant eadem propter Chri-
stum tolerantii.

Studium S. Porro ad redemptionem captiuorum penè cunctis, quæ habebat, expensis, cùm mul-
Remberti torum adhuc apud infideles detentorum calamitatem cernere cogeretur, etiam sacri
in captiuis altaris vase ob illos redimendos impéndere non dubitauit: qua in re dum quibusdam
redimēdis. minus sublimiter intelligentibus non rectè fecisse videretur, quasi in alios vñsus cōuer-
teret, quæ sacris essent deputata ministerijs, & à quodam interrogatus esset, cur id face-
ret, iusta ratione sciscitanti satisfaciens: Non ignoro, inquit, res ecclesiastici officij di-
gnè tractandas, & sub magna obligatione ad hoc opus esse depositas: veruntamen plus
est apud Deum, per eas subueniri captiui Christiani in angustia constitutis, quæ esse
queat depositum cas custodiendi: cumque incumbit necessitas è duabus bonis alterum
eligiendi, altero carendi, preferendum est illud, quod est præstantius, & id quod inferiorius
est, relinquendum. Vnde etiam ego, ait, cùm nullum aliud suppetit consilium, non sum
arguendus impietas, si Christianum, qui filius Dei est, thesauris ecclesiæ redimo: quan-
doquidem semper inuenire possumus, quod ad vñsum sacri ministerij sufficiat: irrecupe-
rabilis vero damni est, si Christianus in captiuitatis afflictione deficiat. Exempli autem
causa vñum aliquod eius factum commemoremus, in quo sane non minus potentia
miraculi, quæ misericordiae opus effulgit. Cùm venisset quandoquæ ad partes Sciauorum, vñ nouellam recens ad Christum conuersorum ecclesiæ extructam habebat in
loco, qui dicitur Slesuicum, vedit multitudinem Christianorum in catenis captiuam
teneri: inter quas virgo quædam Deo sacrata ut eminè illum conspexit, tam genu fle-
tendo, quæ caput crebrè inclinando, tum honorem illi exhibere, tum eius miseri-
cordiam pro sui liberatione implorare videbatur: atque ut ipsam intelligeret esse
Christianam, sublata altius voce, cœpit cantare Psalms. Tum Episcopus misera-
tione commotus, cum lachrymis rogabat Deum, ut illi opitularetur: ad cuius preces
mox dirupta est catena, qua ad collum vincta tenebatur: nè tamen posset effugere, fa-
cile eam impediabant gentiles illi, inter quorum manus habebatur. At Episcopus pro-
clus

eius creptione anxius, detinentibus eam paganis, complura diuersi generis precia pro illa obtulit: verum illi nullam accipiebant conditionem, nisi eam solam, ut equum suum, quo ipse sedere consueuerat, ipsis daret. Quod ille vir pius & misericors non detrahit, & repente de equo desiliens, totum illum cum omnibus ad eum pertinentibus pro captiuâ dedit, redemptamque libertate donauit, potestatem illi faciens quod vellet abeundi, ex uno opere geminum suæ laudis & virtutis monumentum relinques, quod & efficacia orationis suæ catenâ cōfregere, & tam egregiū misericordiæ opus declararit.

Cum autem Apostolus dicat, Seruum Dei oportet manuatum esse ad omnes, ita se in vita sua gessit, ut eius ætate nullus inuentus sit, qui Mosaicum illud aquæ atquæ ipse in se exprimeret, quod vir mitissimus esset super omnes, qui morabantur in terra. Intervim tamen nonnunquam sine ullo mansuetudinis detimento adeò in inquirendis vel discutiendis causis constans & immotus in sua permanxit sententia, ut à nemine posset ab ea dimoueri. Quod autem nihil hoc manuatum eius detimenti attulerit, satis illum argumento est, quod contradicentibus ipsis nihil vñquam iracundæ commotionis ostendit, nihil verbis asperis contra illos egit: sed familiaribus colloquijs & grata mōrum suavitate id apud omnes effecit, quod animo cōstituerat. Interrogatus verò à quodam familiari, de sententia sua immobilitate, vel cur à sententia sua se deduci non patetur, hēc respondit: Quæcumque vel agere vel omittere debeo, & quæ mihi in posterum euētura sunt, ea ex visionibus domini ac successoris mei Anscharij p̄disco. Solus sapientia enim ille mihi appārens, ipsa sui vultus qualitate indicare, quo pacto rebus agendis apparuit. me immiscere debeam: quicquid verò ex eius revelatione percipio, nō possum vlla disimulatione negligere, quin illud executioni tradam.

Fertur verò etiam prisorum more sanctorū quedam fecisse miracula, nempe cùm in Suediam proficeretur, non rarò maris tempore statem suis orationibus sedâsse, ceci sacramento cuiusdam oculos illuminâsse, idque cùm pontificali more illum sacro adhibito chrismate confirmationem illud adstipulari videtur, quod multis adstantibus episcopis ab ore demoniaci sepiùs hic clamor edebatur. Rembertum solum inter illos dignè suo funatum esse officio, & ab illo se torqueri. Sed quia nostris temporibus, vt dicit Psalmographus, deficit sanctus, & diminuta sunt veritates à filiis hominum, nec facile admittitur, quenquam ex huius ævi viris talia fecisse, satis sit nos haecenū demonstrâsse, virum Dei Rembertum sanctitatis apprehendisse apicem, idque per illos virtutum gradus, quos in euangelio Dominus ad promerendam beatitudinem proponit: Beati, inquieti, pauperes spiritu, & cetera quæ sequuntur de octonario virtutum catalogo, quo per gratiam resurrectionis speci nostræ implenda perfectio significatur. Nec miracula illi defuerunt spiritu, quæ etiam nunc in Ecclesia fieri testatur beatus Gregorius, exponens illa Christi verba, Signa autem eos qui crediderint, hēc sequentur: In nomine meo demona ejicient, linguis loquentur nouis, serpentes tollent, &c. quorum expositionem ex eodem sancto Doctore hoc adscribere longum est, neque tamen necessarium, cùm homilia illa, vbi homil. 19. hēc explanantur, in promptu sit: ad quam etiam nos lectorem remittentes, cœptum de vita beati Remberti opus ad finem tandem perducere debemus: qui cùm iam senio grauati cœpisset, continui quoquæ pedum dolores ad molestiæ augmentum illi accelerunt. Itaque primò apud gloriosum regem Ludouicum, quo commendante Episcopatum suscepérat: ac deinde apud eius filios Ludouicum & Carolum hoc obtinuit, vt insignis vir Adelgarius, nouellæ Corbeiæ monachus, illi, ut suprà diximus, adiunctus, irà in adiutorium ipsis confirmaretur, vt cùm aliqua præpeditus esset ægritudine, ille possit circumire diœcesin, adire placita, & quando exigetur, in expeditionem vel ad palatium cum comitatu suo proficisci: nec multò post eleçtio ipsi succedendi in illo confirmaretur, & per manus accessionem inter consiliarios regis numeraretur, idq; assidente Abbatे & fratribus monasterij eius, & sancta Synodo hēc omnia approbante.

His ita gestis, deinceps tanquam à secularibus negotijs expeditior, omni instâlia magis ac magis augere cœpit, quicquid ante boni exercuerat. Nec diu postea in hac vita durauit: cuius quidem obitus ita se fertur habuisse, vt nūc describemus. Anno penè integrum ante suâ è corpore migratione quibusdā fidelibus amicis suis secretò indicauit, multa ipsis ostensa esse signa, è quibus colligeret atque prænōset, se non diu in hac vita mansurum, cosique, quibus hēc loquebatur, in corpore vterius non esse visurum. Sunt autem,

Mortem suam p̄dicit;

**Vitio illi
oblata.** autem, inquit, in his quedam eiusmodi præfigia, quæ mihi alijs patescere non licet: at tamen visionem hac no[n]e mihi oblatam vobis referam, qua decessum meum euidentissimè mihi præsignificatum intelligo. Videbatur mihi, quod in templo quodam, firmissimo muro per medium intersepto, ego ex una parte consisterem, ex altera verò tenetur dominus & decessor meus Anscharius: quodque ego innumerabilem viderem multitudinem utriusque sexus: more eorum, qui aliquid solent inquirere, hac illacque se vertentem, nec quicquam ex ijs, quæ quererent, inuenientem: porrò dominum Anscharium ex illis sciscitantem quid quererent, ipsos autem annulum meum se querere respondentes: at denu[m] illum dicentem, vt cessarent annulum querere, quandoquidem ipse secum illum esset habiturus. Hæc dum quibusdam, vt diximus, narraret dominus Rembertus, ex hoc multisque alijs indicijs se certum affirmauit, quod eo ipso anno abiturus esset è corpore. Vt autem memoria eius audientium animis per verba, quæ recedens diceret, fortius imprimeretur, salutares eis exhortationes, vt etiam eos optare nouerat, propo[ne]t, verbis eius non mediocri ædificationis gratia affluentibus. Postea autem eis valedicens, discessit ab eis, nec ulterius, vt prædicterat, eum in carne viderunt. Vt verò somnium hoc, quod iam retulimus, euidenti effectu in eius obitu, sicut ipse quoquæ intellexerat, completum sit, eo loco congruè enarrabimus, vbi dicendum erit, quemadmodum sancta anima eius in celum subleuata sit, & corpus eius sepultura mandatum.

Iraq, duodecimo ante obitum suum die ad Bremensem ecclesiam perueniens, eodem die morbo corruptus est: quo per singulas horas ingrauecente, ille semper psalmodijs & sacris lectionibus intentus, se se ad futuram ex hac vita emigrationem sollicitè præparabat. Quanu[m] autem languoris immanitas corporis vires omni robore destitueret, at

2. Cor. 12. tamen animo semper inuictus, Apostolicam illam præ se ferebat fortitudinem, de qualib[et] Sacram V[er]o le dicit: Quando infirmor, tunc fortior sum & potens. Septimo autem ante obitum die **Etionem & ministerium sacreunctionis** cum oleo sancto exhiberi sibi præcepit vnâ cum cœmuniione corporis & sanguinis Domini: cuius cœmunionis salutare remedium ad supremum moriturus accipit. vsq[ue] spiritu quotidie perceptit. Cumq[ue] iam migratus esset è mundo, cōuocatis presbyteris & vniuersis fratribus, veniam sibi dari petijt eorum omnium, quibus fortassis quenquam illorum offendisset: cumq[ue] ipse viceissim condonasset omnibus, qui eum quoquaque modo lessissent, eisque à Domino veniam precatus esset, percepto corpore & sanguine Domini, sanctam emisit animam.

Tum verò incredibilis omnium gemitus subsecutus est, in primis pauperum & egenorum, has inter lachrymas voces emitentium: Vx nobis sancte pater: quomodo iam post te inueniems alium, tuis elemosynis in vietu & vestitu ha[bit]en[ti] sustentati: à quo deinceps h[ec] consequi merebimur? Tibi autem Christe, aiebant, supplicamus, vt anima famuli tui sentiat te nunc memorem dictorum tuorum, quibus promittere dignatus es mercedem illis, qui vni ex minimis tuis aliquid solatij imp[er]enderent. Ipse autem vir Dei cùm adhuc viueret, humilitatis studio præcepit, n[on] in templo sepeliretur. Quod eius præceptum cùm transgreedi non auderent fratres ecclesiæ illius, sepeliuntur cum extra basilicam prope tumbam sancti Vuillehadi extra orientalem ecclesiæ murum. Porrò sepulcrum eius sanctus Adelgarius, de quo iam crebro antè diximus, qui etiam illi in episcopatu successit, desuper extrus[us], atque in honorem sancti Michaëlis, sanctorumque martyrum Stephani & Viti dedicato oratoriolo adornauit. Atque ita impleta est visio memorata, quod dominus Anscharius & ipse intra unam quidem ecclesiam cōtinerentur, sed inter se muro à se inuicem sciungerentur. Est enim iam dictum oratoriolum ita illi antiquæ ecclesiæ coniunctum, vt non nisi muro, ad Orientem extrus[us], ab hac in illud aditus præcludatur. In ipso autem, vt diximus, novo oratoriolo sepultura datus est dominus Rembertus: porrò in veteri ecclesia dominus Anscharius requiescit. Et hoc est, quod ille in visione dixisse videtur, quod annulū domini Remberti secum habiturus esset: his verbis indicans, quod dominus Rembertus, iam fide & bona operatione perfectus, non multò post ipsi coniungendus esset, tam in monumenti vicinitate, quam in beatæ requici, quæ in celis est, felicissima perceptione, sicut olim ex diuini spiritus revelatione illi prædicterat. Per annulum enim, fides significatur, qua nobis imago Dei imprimitur: & quia ille solet ad manuum, quibus operatio designatur, ornamentum adhiberi, recte nimis per hoc ostenditur, ornamento fidei bonum opus semper incle-

Matt. 25.

**Vuilleha-
dus primus
Episcopus
Bremensis.**

ineesse debere: quod cùm dominus Rembertus in sua conuersatione ipsius curæ commissis semper exhibuerit, non incongruè in ipsa futuræ mortis eius præsignificatione multitudo plebis ostensa est, annulū eius inquirentis: qua re id vtique significatum est, tempore obitū illius eos, qui illi commissi fuerant, anxie id desideraturos, vt exemplis in illo perspectis longiori spatio perfrui mererentur. Sed vt id non impetrarent, tempus poscebat requiei illius, quam Episcopus Anscharius innuere voluit, cùm plebem ab inquirendo annulo compescuit, dices quòd secum illum habiturus esset. Est verò super eius sepulcrum lampas lignea suspensa, vt perpetuum in illa lumen haberetur. Sub illa verò lampade in sepulcri superficie quoddam erat velamen expansum, in quo fertur præclarum sanè contigisse miraculum: quod quidem, quatenus ex referentium narratiōne, vel memoria vel intellectu retinemus, hoc pacto euenisce constat: Nocte quadam Miraculum illa conflagrārat, & primò non paucæ inde decidebant prunæ in velum memoratum, ad eius se, atq; mox tota in illud lampas ruit, & in ipso velo ita penitus combusta est, vt velo prorsus nullam attulerit lessōne: quod nulli dubium esse debet ob declaranda merita fidelis seru sui Christū fecisse, qui cum patre & spiritu sancto vinit & regnat Deus per omnia secula seculorum, Amen.

MARTYRIVM SANCTI ET GLORIOSI

Martyris Isidori, Authore Simeone Metaphraſte.

Vm venerandam & diuinam doctrinam Domini nostri Iesu Christi, ijs datam, qui ipso sunt digni, diligēter & utiliter esset secutus diuinus & venerādus martyr Christi Isidorus, S. Isidorus & se per diuinās scripturas & Christi mandata omni ex parte scipsum munis, animo fuit præclarè stabilitus, spiritu confitatus, corpore corroboratus: & fuit diuina quadam motus & mulatione in eos, qui carnem ante ipsum exuērant, & martyrium pro Domino suscepserant, aduersus tentationes scipsum exercens, afflictionesq; & iniñas tyrannorum. Sciebat enim, quod fuerat prædictum à diuino ore Domini nostri & seruatoris Iesu Christi magni Dei: nempè, quòd Ioh. 12. qui diligit animam suam, perdet eam. Quocircà fidem tenens omnino immobilem, & conseruans thesaurum fidei immobilem, acquirens sibi salutem & infra etiam portans confessionem, Deo ostendit cor integrum: eratq; omnino à reprehensione alienus, iustus, pius & in omnibus perfectus. Non erat enim in eo macula aut indecorum aliquid, Integritas aut infastabile: non vitium, nō malitia, nec quæ ex maligno sunt mala, ciuis mentem rediuerunt improbam, sed moderatè & pie cum honestate & temperantia suā vitam conservans, purè viuebat & citra reprehensionem.

Accidit autem, vt in Chio insula essent naues cuiusdam Numerij, qui ducebat exercitum, quomodo ei iusserat Decius tyrranus. Erat verò in primis venerandus & gloriosus martyr Christi Isidorus ex ciuitate magni nominis Alexandria: qui locum quidem tenebat Optionis, non idem autem sentiebat, quod gentiles, qui erant in Aegypto, qui munus. errorem colebant ex fabulis: sed colebat & adorabat Deum viuum, qui est Dominus vita & mortis, nec ei persuaderi poterat, vt sacrificaret simulacris, neque attendebat edita Decij Imperatoris. Hunc ergò sanctum Isidorum, apud Ducem exercitū Numerum accusans quidam, nomine Iulius, qui locum tenebat Centurionis, ei renunciauit omnia, vt qui inuidia motus esset aduersus martyrem, & ei dicit: Notum tibi sit domine mi, quòd Isidorus ijs non sacrificat, neque ullam ducit rationem sanctorum sacrificiorum: nēq; inducit in animum, vt pareat Imperatori Decio. Iube ergò eum duciante vestram potestatem & interrogari.

Hec cùm audijisset dux exercitū Numerius, iussit eum statim sisti tribunalī. Cùm is sifstur auctem adfuisse, dixit ei: Quod est nomen tuum? Sanctus verò respondens, dixit: Vocor ram tribus Isidorus. Dixit Numerius dux exercitū: Tu es, qui magnis & pijs legibus Decij Imperatoris non credit, & non vis sacrificare ijs? Dixit sanctus Isidorus: Qui nam enim sunt dij vestri, aut quid sunt, vt ego quoquæ ijs sacrificem? Non sunt simula cra surda & ceca, & nullo sensu predita? Dixit Numerius: O malā & improbam huius yiri mētem, Re vera dignus